

45
SPECIMEN ACADEMICUM
De
CONSCIENTIA
ET EIUS IURE
IN HOMINES:

Quod
SUPREMO CONSCIENTIARVM DOMINO
annuente
AMPLISSIMO SENATU PHILOSOPHICO
In

FLORENTISSIMA LUDOVICIANA
consensiente
PRO LICENTIA
APERIENDI COLLEGIA PHILOSOPHICA
PUBLICO

Excellentissimorum Dominorum Professorum
examine sistit
PRÆSES

M. JOH. CHRISTOPHORUS

Engelbrächt / Bielfeldiâ Westphalus.

RESPONDENTE


ALBERTO Kramer /

Swertâ Marcano.

In Auditorio Philosophorum

ad

Diem 9. Julij.



GIESSÆ-HASSORUM,

Ex Calcographæo Hampeliano, Acad. Ordinar. 1670.

THE NEW ACADEMIC

CONSCIENTIA

BY F. H. FIVE

IN FIVE VOLUMES

WITH A PREFACE BY THE AUTHOR

AND A HISTORY OF THE WORKS OF THE AUTHOR

BY THE AUTHOR

PROLOGUE

TO THE READER

BY THE AUTHOR

THE NEW ACADEMIC

ALFRED A. AUSTIN

NEW YORK

1884

1884

1884

1884

PROOEMIUM.

EXhibiturus specimen aliquod Academicum, eam cum primis eligendam duxi materiam, quæ & in Theologia mihi suppetias ferre, & in societate humana se non parum legentibus commendare posset. Hoc ipsum dū in animo mecum repono, nescio quo fato allexit me præsens de conscientia materia, in cuius nunc naturam, (quantum quidem per ingenii vires concessum fuerit) inquirere constitui, ita tamen ut ex innumeris quæ à subtilissimis aliis ingenii hic vel disputantur, vel disputari possunt, utilissima juxtim ac jucundissima mihi seligam; quod ut dextrè procedat, Deum O. M. calidissimis deveneror precibus, ut lumine Spir. S. ingenio meo succurrere, meosq; conatus divinâ suâ cooperatione elementer secundare velit. Tu autem L. B. si expectationi tuæ non omni ex parte satisfecero (hoc enim mihi promittere nec ausim, nec possum, vellem licet; cum non sint mihi illi anni, unde tanta expectari possit eruditio) id tamen ut juvenilibus hisce meis conatibus ignoscere, iisque æquo tuo judicio subvenire velis peramanter rogo. Esto sic

B. C. D.

§. I.



Ntè vero, quam me ad rem ipsam accingam in antecessum ob pagellarum angustias quædam suppono. (i. Dari revers in naturâ rationali id quod conscientiam dicimus, si non aliam saltem hæc de causâ, quod quilibet hominum suum gestet in pectore tellem & factorum judicem, quibene agentem laudat & solatur, sceleratè vero & impiè agentem accusat, damnat, & mirum in modum torquet, malefacta licet sine Magistratui & civibus incognita, quod sane fieri vix posset nisi

A

mens

mens ex facto judicaret se neglexisse conscientiz præscriptum. (2. Unde vero vox conscientiz dicatur Autorum sententia variat: Alii conscientiam quasi concludentem scientiam, seu syllogismum practicum; Alii conscientiam quasi cordis sciam; Alii vero quasi scientiam cum aliis dictam volunt, quia qui aliquid patrarunt scientes facti habent (1.) *Deum* de quo Job. c. 16. 20. (2.) *Angelos* si facta sint externa, eosque tam bonos quam malos: (3.) *Homines* alios, nihil enim tam est occultum, quod non dies revelet (4.) *creaturas* omnes, qui suo modo de iis testificantur, & ob abusum sui ingemiscunt, uti Paulus loquitur Rom. 8. v. 22. Nobis nõ incongrua illa videtur, quã conscientia dicitur quasi *cum scientia*, quæ etiam est *Thoma part. 1. q. 79. art. 13. concl. p. m. 151.* conscientia enim in latissimo suo significato quando consideratur formaliter dicit actuum moralium cognitionem, non absolutam, sed respectivam h. e. talem quam ratio seu intellectus non tam actum moralem in se, quam in respectu ad aliud quid, nempe ad jus seu legem considerat. v. g. intellectus meus cognoscit actionem furti, in hoc intellectus iudicio furtum respiciente duo attendo 1. *furtum* 2. *legem* de furto latam. Lex enim quæcunque illa fuerit vel divina, vel humana, vera actionum humanarum regula nec est, nec esse potest, nisi cognoscatur, & actionibus imoralibus applicetur; Quatenus E. intellectus humanus comparat ipsum furtum cum lege, & ob difformitatem à lege in furto deprehensam, talem actum fugiendum esse iudicat, ejusque exercitium prohibet & detestatur, eatenus hic actus seu hoc iudicium actus conscientiz appellatur.

§. 2. Cum autem intellectus humanus circa actus morales duplici modo versari soleat, uno circa eosdẽ ut præteritos, altero ut circa futuros, hinc conscientia Moralitatis alia *Theoretica* seu cõsequens, quæ actiones jam tũ factas sequitur, easq; nudẽ contemplatur bonæ, an malæ fuerint, objecti loco habens factũ, quod infectũ fieri non potest, alia *Practica* seu antecedens, quæ ante susceptam actionẽ adest, suscipiendã dirigit, & iudicat, An, & quæ actio à voluntate praxi dari aut non debeat, audit. De priori scilicet Theoretica agere ratio instituti non permittit, nobis E. præcipuẽ ea quæ actiones præcedit, seu quæ agit & versatur circa actus factibiles & omissibiles, h. e. practica conscientia (Aliis proximẽ practica, item pra-

prædicte practica dicitur) ut quæ *ἡ ἐξ ἧς* & sine apposito conscientia dici solet, quomodo etiam peccata contra conscientiam dicuntur sola ea, quæ fiunt contra conscientiam antecedentem, consideranda venit. Et de hac conscientia inter Moralistas disquiritur: *Sine actionum humanarum principium nec ne?* Ubi sunt qui affirmant, sunt, qui negant; Nos hanc controversiam ex voce principii decidi posse putamus. Si principium dicatur illud, quod proxime influit, & à quo actio humana proxime & immediate dependet, rectius negatur quam affirmatur esse principium, proxime enim non influit, sed saltem potentia, quæ per actus suos proxime influit faculam præfert, & quasi prælucet; neque à conscientia, sed ab actu voluntatis elicitio actio proxime & immediate dependet. Quia autem prius quam actio humana fiat, præcedit dictamen rectæ rationis, quid faciendum, quidve omittendum judicantis & vero hoc ipsum dictamen sit conscientia, ideo rectè etiam inter principia illa refertur.

§. 3. His jam præsuppositis rem ipsam accedimus, quod commodius fieri vix poterit, quàm expendendo ejus definitionem, vel si mavis descriptionem quæ apud Moralistas varia tradi solet. Aristoteles in principio l. 3. ad Nicomachum vix attingit conscientiam. Scholastici verò operose & prolixè declarant. Thomas part. 1. q. 79. art. 13. describit eam, quod sit scientia ad ea quæ agimus applicata. Quæ descriptio generalis licet, & omnia, quæ nomine conscientia in Practicis venire solent, comprehendat, clariorem tamen nobis tradit *Excell. Rudraffius Præceptor & Hospes noster atatem devenerandus in instit. Moral. p. m. 116. ex Vasquezio l. 2. Tom. 1. disp. 59. a. 1.* hanc scil. Conscientia est judicium intellectus, quod dicitur, quid in vita sit bonum vel malum, quid faciendum, quid omittendum. Si cui vero neque hæc descriptio satisfaciat, meditabimur aliam non quidem perfectiorem, attamen magis captui nostro accommodatam, hanc scil. *Conscientia Practica est judicium intellectus practici applicans universalis principia Practica ad circumstantias actus humani singularis, quatenus his vel illis circumstantiis talis actus determinatur, adeoq. dissonans, quid ab hoc homine circa objectum hoc, hoc loco & tempore, his ex causis, hoc modo &c. fieri, aut non fieri debeat.* Hujus nunc enodationem subiungimus.

6. 4. Generis loco ponitur *iudicium intellectus practici*. De Genere conscientiz proluxa apud Moralistas legitur disputatio, dum alii scientiam, alii habitum innatum genus esse volunt. Nos brevitate sectantes dicimus esse iudicium, seu ut aliis placet actum, ubi per actum intelligitur exercitium potentiz intellectualis. Causa ejus efficiens proxima est intellectus practicus. Ubi obiter nota quod intellectus dividatur non quidem per se & per aliquid intrinsecum, sed per objecta adeoque ab aliquo extrinseco in Theoreticum & Practicum. Theoreticus appellari solet, qui fertur in rem necessariam eam contemplando; Practicus vero qui fertur in objectum contingens ad operationem illud dirigendo. Cum vero intellectus iudicium duplex sit, Aliud *Anoëticum* quod absque discursu & argumentatione, aliud *Dianoëticum* quod beneficio ratiocinationis unum ex altero colligendo intellectus exercet, hinc patet, quale hic iudicium intelligatur, scilicet non Anoëticum, sed Dianoëticum, quia absolvitur syllogismo practico, secundum cujus conclusionem conscientia formaliter & maxime propria iudicium dicitur. Hujus Syllogismi practici Majorem ipsa primorum principiorum practicoz cognitio suppeditat, qualia sunt: Bonum est faciendum, Malum vero fugiendum. Moralistas *ovvriphoris* alias legis naturalis conservatio dicitur, ex eo, quia Dei beneficio multarum agendarum & fugiendarum notitiz in mente hominis etiam post lapsum conservantur, quæ principia licet non ipso actu cognoscantur simulac homo in lucem editur, ita tamen nota dicuntur, quia in quolibet homine tantum perfectionis post lapsum reliquum est, ut ratione sua utens facili negotio eorum notitiam acquirere possit. Neque solum prima illa principia P. sed & quæ ex his fluunt hoc nomine indigitamus v.g. neminem lædere, suum cuique tribuere, Deum colere, Parentes honorare, egeno subvenire, hæc enim à nemine mortalium qui sua ratione utitur ignorari possunt, nisi quatenus cum singulari circumstantia considerantur, licet non semper secundum illud dictamen vivatur.

6. 5. Ipsa autem *ovvriphoris* exinde conscientia non est, ut aliqui volunt, licet enim lex naturæ quæ fons & origo est omnium virtutum quæque omnium hominum cordibus naturaliter est inscripta, ita ut Gentes legem non habentes naturam quæ legis sunt,

sece-

fecerint, ejusmodi legem non habentes sibi ipsis sint lex, teste Scriptura tamen nullam actionem actu in particulari præscibit, hinc quando Scholasticis conscientia *ovvθnons* dicitur, id improprie fit, & honor ille huic intellectus judicio desertur ob maximam sui ex parte conscientia necessitatem, ad quam non minus requiritur, quam Major propositio ad syllogismi constitutionem. Exhibent autem etiam propositionem Majorem leges humanae positivæ. Quia enim omnis lex universalis est ideo ex qualibet lege ejusmodi conclusio practica quæ formaliter conscientia dicitur, inferri potest, ad cujus executionem cujuslibet moraliter agentis voluntas obligatur, licet non directe & immediate, cum Magistratus in animas & conscientias nullam habeat potestatem, nullam jurisdictionem inferiorem, sed solius hoc Dei est, qui animam & corpus perdere potest, attamen indirecte & hypotheticè, quatenus Magistratus est Dei ordinatio Rom. 13. v. 1. ejusque minister vers. 4. adeo ut Deo resistat, qui Magistratus leges negligit, hinc vers. 5. Necessariam esse subjectionem propter *δὲ τῆς οὐρανόθεν* conscientiam Paulus asserit; sin vero leges fuerint intrinsecè injustæ nullam in foro conscientia habent obligationem, sed prævalet illud Apostoli Actor. 5. v. 29. Deo magis obediendum, quam hominibus. Plura de his qui desiderat adeat *Nobilissimum atq; Excell. Dn. Vveissum Academia hujus Pro-Rectorem Magnificum Patronum nostrum*, submisit colendum in disp. de conscientia ante aliquot annos habita Excell. Dn. P. Musaum in disp. de oblig. LL. civil. B. D. Meisnerum disp. deleg. & alios.

§. 6. Minorem propositionem postmodum dicitur intellectus humanus subsumendo sub principiis illis communibus, ea applicando ad hanc vel illam materiam v. g. Esto propositio Major: Bonis legitime partis pauperi proximo ubi necessitas colligitur est subveniendum, posito hoc principio intellectus meus subsumit: Hæc sunt mea bona legitime parta, è quibus Eleemosynam largiri rite possum, hic homo opem meam implorans pauper est, & meretur beneficium, hic locus opportunus est, hoc tempus conveniens, hic finis honestus, quia in Dei honorem & proximi fit salutem &c. hic habeo propositionem Minorem, quæ etsi proprie, quid agendum sit non determinet, apta tamen est, ut conjuncta cum Ma-

jore quæ formaliter erat practica, eliciat conclusionem formaliter practica[m] scil. conscientiam, unde hoc judicium intellectus virtualiter practicum censetur.

§. 7. Postmodum illa conclusio quæ ex his præmissis fuit, maximè propria conscientia dicitur, sicuti enim conclusio formalitèr talis non datur, nisi legitimè dispositis præmissis, ex quibus necessitate consequentiæ semper conclusio sequitur, ita etiam non nascitur conscientia, si Major vel minor absit. Sic ex modo datis præmissis hæc fuit conclusio. E. hoc meo bono huic vel illi pauperi proximo in tantum hic & nunc à me est subveniendum. Ubi tamen nota: conclusio illa licet necessariò sequatur ex præmissis, hominis tamen vitio sæpè fit, ut intercessionem ad tempus conscientia patiat[ur] in hoc actu, ita ut propositione & assumptione positis nequaquàm tamen concludatur. v.g. potest quis in genere intelligere & concedere, omnem hominè qui Deum nō colit, esse maledictū, sibi ipsi potest esse conscius se Deum non colere, abstinet tamen à sententiā maledictionis de seipso pronuncianda; Exemplo est David 2. Sam. XI l. §. 6. probe ille novit, quid juris esset de pessimo suo facto, quid fecerat, etiam ignorare non poterat, in conclusionis tamen applicatione claudicabat. Non autem nomine conscientiæ nobis totus ille syllogizationis actus venit, quatenus is ex tribus illis constat propositionibus, sed tantum tertia syllogismi illius propositio quæ vocatur conclusio, hæc enim demum est illatum, quod ex principiis tanquam præmissis intellectus infert, & quo intellectus præscribit vel interdicat voluntati actum.

§. 8. Ex his quæ dicta sunt, elicitur nunc minus rectè dici Deum habere conscientiam, licet enim Deus habeat intellectiōnem vel intellectum, ut docet Arist. XI I Met. c. 9. ipsa quæ declarat Scriptura, attamen cum judicium ei non competat, utpote modum intelligendi compositum significans, cum nempe qui est per compositionem divisionem & discursum, patet Deum conscientiam non habere, componere enim & dividere respectu intelligentis imperfectionem important, dum actuum successiōnem & multiplicationem dicunt, Deus autem qui uno simplicissimo actu omnia quæ quacunque ratione sunt intelligibilia cognoscit, nullam successiōnem aut multiplicationem admittit, nedum componendo vel di-

viden-

videndo intelligere potest, vid. *Magnificus Dn. Pro-Rector Vicesimus*
disp. cii. §. 9. B. Dilb. disp. de consc. Nec obstat locus qui habetur 1. Pet.
 1. 19. ubi jubemur sufferre tristitias *διὰ συνείδησιν* seu per conscientiam Dei. Notum enim nomen rectum seu genitivus casus ratione
 usus & significationis non raro causam finalem solere notare, mo-
 nente B. Glasio Phil: Sacri: l. 3. t. 1. p. m. 452. ut sensus verborum sit
 hic: Nos propter allatas injurias voluntati divinæ, quam conscientia
 respicit, non debere resistere, sed potius ad præstandam obedientiam
 nos quam maximè obligari, hinc etiam B. noster Lutherus ut
 innueret eam intelligi conscientiam, quam homo corum Deo ha-
 bet, quā cavet ne Deum offendant, reddidit: *Umb des Gewissens*
Willen zu Gott. (2. Neque bruta. (3. Quando diximus conscien-
 tiam esse judicium intellectus, eo ipso dicam scribimus illis qui
 conscientia subjectum, aut solam voluntatem, aut intellectum &
 voluntatem simul esse asserunt, Actus enim conscientia sunt cogno-
 scere, præscribere, obligare, qui certè non ad voluntatem sed intel-
 lectum eumque practicum pertinent.

§. 9. Ansam hic nobis sumimus agere de officiis illis qui-
 bus conscientia in ordine ad agens morale gaudet, qualia sunt tria,
 uti communis habet sententia. Præscribere, Instigare, & Obligare.
 De præscriptione infra ubi de propositione Majori Syllogismi
 Practici agitur, actum vide. *Instigare* conscientia dicitur agens mo-
 rale cujus est conscientia, quando intuitu bonitatis vel malitia mor-
 talis per syllogismum P. agendum vel non agendum esse dicat, si-
 ne tamen interminatione poenæ. Obligare vero agens morale con-
 scientia dicitur, quando intuitu bonitatis vel malitia moralis agen-
 dum vel non agendum esse sub formidine & interminatione poenæ.
 Reliqua quæ ab autoribus afferri solent officia, uti sunt ligare &c.
 Non tam *φερήσιμα* quàm *εὐρηστικὰ* & *εὐειδής* sunt.

§. 10. Quibus nunc expositis, rectè pergitur ad ejus di-
 visionem. Scholastici vulgo quinque recensere solent conscientia
 species: Rectam, Erroneam, Probabilem, Dubiam & Scrupulo-
 sam. Quæ tamen divisio cum sit æquivoci in sua æquivocata, ac-
 curatior nobis videtur illa methodus si procedamus cum conscien-
 tia, quemadmodum Logici cum quâcunque conclusione procede-
 re consueverunt; his enim conclusio spectata in esse nudæ pro-
 posi-

positionis, imo etiam præcisè in esse conclusionis dicitur vera vel falsa, ita, ut vera conclusio dicatur illa, quam propter præmissas veras veram esse necessum est, falsa autem quæ ex falsis inferitur, se ex erroneis præmissis, vel saltem ex alterutra earum erronea. Pari modo ratione veritatis vel falsitatis conscientia est vel vera, vel falsa; Quia autem conscientia non est conclusio quæcunque sed practica, seu syllogismi practici, & in practicis seu agendis verum soleat dici rectum, falsum autem erroneum, ideo conscientia vera in Ethicis appellari solet non vera, sed recta, & quæ falsa est, non falsa, sed erronea.

§. 11. Porro Logice conclusio alia dicitur certa, quæ est syllogismi Apodictici, seu demonstrativi quæque ex præmissis inferitur evidentibus, certis & indubitatis, alia probabilis, quæ est syllogismi Topici, quæque ex principiis non absque formidine oppositi certis inferri solet. Eodem modo conscientia tanquam conclusio syllogismi P. est vel certa vel probabilis, ut adeo conscientia dividi possit (1. Ratione veritatis & falsitatis in Rectam & Erroneam, (2. Ratione certitudinis & incertitudinis in certam & probabilem. Nota. Accuratè loquendo certam conscientiam à Rectâ distingui, cum possit esse conscientia recta, quæ non statim est certa. Posteriores quod attinet conscientiarum species, ex improprie ita dicta videntur, & quidem Dubiam quod spectat, si per dubiam intelligatur, quando intellectus nihil præscribit, nihil determinat, quando nec assentitur, nec dissentitur, sed rem in suspenso hoc est sub iudice & dubio relinquit, ea impropria est, siquidem definitio conscientiarum ipsi applicari non potest. De Scrupulosa idem iudicamus, si ea referatur ad dubiam, quod nihil aliud præscribat, sed dubitet ob hunc vel illum in re scrupulum. Sin vero per eam intelligatur actus dictitans quidem, sed cum aliquali adhuc formidine oppositi, tum revera est, & proprie dicitur conscientia, quæ referri debet ad conscientiam probabilem. Quicquid vero huius sit, sint licet improprie, ut tamen constet, quomodo sese gerere debeant, qui vel dubii, vel scrupulosi sunt, singulas brevissime explicabimus.

§. 12. Conscientia Recta appellatur vel à rectâ ratione, à recto intellectu P. iudicio & describitur quod sit *iudicium intel-*

intellectus P. firmiter desiliens, illud esse faciendum, quod faciendum omnino est, illud vero omittendum, quod juxta legem omittendum est. vel est, quæ principia P. per certam & evidentem consequentiam applicat ad actus singularis circumstantias. Hanc conscientiam obligare firmissimè omnes homines in confesso est, & ita quidem ut si juxta ejus præscriptum egeris, non pecces, sed tranquillitate fruaris, sin vero contra præscriptū ejus opereris, pecces gravissimè h.e. culpam & reatum contrahas. Causa hujus asserti facile datur, quia dictamen illius cum ipso jure tam divino quam humano exactè congruit. Pilatus E. lavans manum, non lavit mundum, verba sunt Excell. Dni. Rudrauffii in inst. Morall. p. m. 125. q. 4. Quibus adde quæ habet Magnificus Dominus VVeissius disput. cit. §. 15. & B. D. Horneus in Phil. Moral. l. 3. c. 3. p. m. 320, Dn. Scheurl. disp. XI. §. 26.

§. 13. Objiunt nobis: Conscientiam Rectam dictare furtum non esse committendum, & tamen hæc non obligabat Israëlitas, cum vasa aurea & argentea Ægyptiorum auferrent. Respondent Autores distinguendo inter præcepta juris naturæ affirmativa & negativa, hæc obligare semper & ad semper, illa vero semper, sed non ad semper, h.e. non ad omnia tempora, omnes casus, cum fieri possit ut in casu necessitatis quis sit solutus à præceptorum affirmativorum ligamine, v.g. suum cuique tribuere non semper obligat, scil. si Dominus sit furiosus, vel heluo &c. Quæ Responsio quamvis sufficiat ad nodi hujus solutionem, nos tamen breviter dicimus: Israëlitas contra conscientiam hoc ipso non egisse. Licet enim Furtum non esse committendum sit præceptum juris naturæ negativum, quod æquè Israëlitas ac omnes homines obligat, & in quo Deus dispensare non potest, si omnes ejus circumstantiæ maneant, sub quibus lex naturæ est instituta; si tamen una vel altera circumstantia, sub qua lex naturæ obligat, tollatur, Deus in eâ dispensare potest v.g. ut quis propriè dictum furtum committat, præcipua circumstantia est: ablatio rei alienæ invito Domino, hæc circumstantia si tollatur, & res aliena mutetur in propriam Deus in hac lege naturæ dispensare potest. Quia igitur Deus sustulit hanc circumstantiam, quando Israëlitas jussit, ut Ægyptiis vasa aurea & argentea surriperent, mutando furti objectum, rem

scilicet alienam in propriam, hinc Israëlitarum non possunt dici abstulisse rem alienam, sed propriam, ipsis à Deo in mercedem laboris exantlati concessam. Vid. Lyra com. h. l.

§. 14. Non negligendus nobis hic est acerrimus ille cum Politicorum tum Theologorum, tum & Juristarum conflictus quando disputant: *An iudex secundum acta & probata, an vero secundum conscientiam pronunciare debeat?* Statum Q. formabimus hunc: Si Actor quispiam in causa civili vel criminali coram iudice accusationem Reo intenderet, probationibusque non contemnendis eam deduceret; Iudici autem revera & firmiter constaret, probationes esse falsas, Actoremque fucatam fovere causam, utrum iudex secundum acta & probata contra conscientiam Reum quem verè innocentem novit condemnare possit? *Thomas* 11. 2. q. 67. art. 2. p. m. 129. *Dominicus à Soto* 1. 5. de just. q. 4. art. 7. p. 155. *Gregorius de Valentia* Tom. 3. disp. 5. q. 11. puncto. 2. col. 1326. *Toletus* 1. 5. instr. c. 6. n. 11. p. 360. & plurimi Doctores Pontificiorum in hac concedunt sententiam: Iudicem præcisè secundum allegata & probata pronunciare, innocentemque condemnare posse. Ab hac tamen communi illorum sententia recedit Lessius, quem hac in parte magno numero Orthodoxi nostri sequuntur Theologi uti apparet in Exegetis L. L. Theol. B. Job. Ernesti Gerhards Theologi celebratissimi, Præceptoris mei in Academiâ Jenensi dum viveret, observantissimi, nunc eheu desideratissimi! loco de Magistratu Politico p. m. 1496. B. D. Meisnerus Phil. Sobr. part. 3. sect. 2. c. 5. q. 4 p. m. 788. Hunnius & alii. Nobis ne veritas, cujus indagacionem unicè proposuimus mutuis altercationibus & accusationibus elaboratur, sequentes ponimus cautiones (1. Non esse nobis sermonem de illa conscientia, quâ iudex ex opinione præconceptâ, seu scientia, eminus certâ, quæ facillimè falli potest, aliquid decernit, sed de certâ infallibili & indubitata scientia secundum quam pronunciandam esse dicimus. (2. Quando certa illa scientia iudicis & acta invicem contrariantur, tunc acta & probata æquivocè ita appellantur, quia tantum apparenter probata videntur. (3. Vanam & falsissimam dicimus esse distinctionem quam in hac controversia Pontificii ad ravim usque proclamant, duplicem esse

conscientiam quā quis sit instructus, vel ut publica vel ut privata persona. Sicut enim veritas est una, & simplex, ita etiam unica tantum est veritatis scientia, sive illa sumatur ex publicis seu ex privatis documentis. Quibus positis dicimus 1. Contra conscientiam ut pronunciet, ipsi suadendum non est, damnet enim hominem innocentem quod peccatum esse nullus negabit. 2. Judex vel erit supremus, vel inferior, si inferior remittat causam ad judicem superiorem, & sic se munere judicandi tantisper abdicet, sin vero & supremus ipse sit judex, actum suspendat, lucraturus forte cum tempore rei veritatem. Vid. *Excell. Dominum Götzium in Academ. sen. Moral. PP. celeberrimum Praeceptorem nostrum honoratissimum in coll. Ethic.* In contrarium quæ obijci possunt, conflictui reservabimus, hoc solum remaneat. Judex si non semper secundum acta & probata, neque secundum conscientiam, semper tamen non contra conscientiam judicare tenetur. Vid. *Dilh. disp. XVII. §. 25.* Et hæc quidem de conscientia Rectâ, nunc ad Erroneam.

§. 15. *Erronea conscientia* dicitur ab errore intellectus in applicatione principiorum commisso & describitur, quod sit, *judicium intellectus P. applicans principia universalis ad actus singulares circumstantias per apparentem saltem consequentiam.* Dico *apparentem* quæ videtur quidem ex principiis practicis appellationem ritè elicere, reverâ tamen non elicit, sed præscribit id faciendum, quod faciendum non est, & id omittendum, quod omittendum non est. Contingit vero consequentiam esse apparentem quatuor potissimum modis (1. cum principium: *bonum* (intrinsecè tale) est faciendum applicatur ad rem intrinsecè malam, atque sub hoc universali principio subsumitur: Ablatio pallii Babylonici est bona. (2. Cum principium hoc: *malum* (intrinsecè talè) est fugiendum applicatur ad rem intrinsecè bonam & subsumitur, mors pro patria est mala. (3. Ita ut principium quod præscribit rem indifferentem esse liberè prosequendam vel fugiendam applicatur ad rem intrinsecè bonam vel malam. V.g. si principium hoc: *Licet bibere vinum* habeatur pro tali, & subsumatur: Inebriari est bibere vinum, E. (4. Denique sic, ut principium quod

quod præscribit res intrinsecè bonas vel malas esse necessario prosequendas vel fugiendas, applicet ad res indifferentes. Sit v.g. principium: Matrimonium cum sorore est fugiendum. Atq; Simon vel alius Græcus inde inferat, esse fugiendum liberè, i. e. si placeat. Ex his ad oculum patere arbitror esse hanc periculosissimam conscientiæ speciem, ut quæ rem ex se & suâ naturâ optimam judicet nefandam, pessimam, summopere fugiendam, & rem per se indifferentem pessimam efficere novit. Causa autè hujus Erroris minus rectè ab *Amesio* assignatur occultum Dei judicium *l. 1. de consc. c. 4. §. 3. p. m. 9.* sed potius inconsideratio eorum, quæ debent considerari, vel prava aliqua dispositio, quæ mentem ab inquisitione debitâ abducit, occasiones discendi averlatur, quin & à rectè judicando eam avertit.

§. 16. In hæc hæctenus producta Eruditi amicè conspirant, aut vero lites gravissimæ effervescent de obligatione: An habeat vim nos sibi obligandi, h. e. ut eam sequi, & juxta ejus præscriptum agere debeamus, ita ut si hoc non fiat peccetur? *B. Misnerus in tract. de S. B.* negat conscientiam Erroneam obligare, negant post ipsum multi; *Dn. D. Calixtus in Tb. Mor.* affirmat, & affirmat cū ipso ippotior Scholasticorum pars. Sunt qui mediâ incedunt viâ distinguentes inter conscientiam errantem errore vincibili, & errantem errore invincibili. Conscientia Errans errore invincibili circa rem per se indifferentem dicitur ita obligare, ut qui contra ejus præscriptum facit, peccet, non autem qui secundum eam; Rationem dant hanc quia conscientia etiam Erronea, modo error sit vincibilis, æquè est principium regula & norma actionum ac conscientia recta. (Quamvis diversus sit modus in eo, dum quod conscientia recta habet absolute, erronea tantum habet ex suppositione & conditionaliter) De conscientia errante errore vincibili *Gregorius de Valentia* statuit eam non obligare, sed ligare. Alii asserunt eam obligare, & ita quidem, ut si juxta conscientiam hanc agas, pecces in foro poli, (i. e. coram Deo) non autem in foro soli i. e. coram & penes se ipsum. Si vero contra eam agas dicunt te iterum peccare in foro soli, seu conscientiæ, non autem in foro poli. Quidam rem ita eloquuntur: Qui agit contra conscientiam erroneam
errore

errore vincibili, ille peccat formaliter, quia quantum in se est, repugnat regulæ actionum, quam supremus factorum arbiter præscripsit; Qui autem secundum conscientiam erroneam errore invincibili agit, is peccat solum materialiter, ut quia intentionem tanquam formale peccati principium non habuit. Nos in conflictu mentem uberius datâ occasione explicabimus, atque suffragabimur iis, qui conscientiam erroneam suâ obligatione non destitunt.

§. 17. Peccant E. ex hac conscientia Pontificii, dum sibi persuasum habent, hostiam in Eucharistia adorandam, sive jam adorent, seu non adorent; peccant adorantes, dum divinum honorem & cultum religiosum soli Deo debitum creaturæ deferunt; Non adorantes peccant agendo contra conscientiam quam ipsi rectam esse arbitrantur Peccant & ex illis, qui die Veneris carne vescuntur, Quamvis enim res hæc sit indifferens, & aliàs bene licita, quia tamen eo ipso quo carne vescuntur, propositum ipsis contra legem agere, ideo ex proposito peccati, à peccato non absolvuntur. Id quod ipse Paulus docere videtur Rom. XIV. 23. *Quicquid non est ex fide, peccatum est*, h. e. (explicante Bald. in cas. consc. p. m. 13.) Quicquid non fit ex fide conscientiz, seu ex certa conscientiz persuasione, vel quod fit titubante conscientia, id Deo gratum esse non potest & v. 14. inquit: *Nihil est commune per se, nisi ei qui existimat aliquid esse commune*, illi est commune. Peccant Judæi, quoties carne vescuntur suillâ; Peccant Anabaptistæ, quoties jurant, licet enim juramentum res aliàs in se indifferens media, & pro re natâ vel præstari vel omitti possit. Si tamen Anabaptista, qui juramentum pro re illicitâ & divinitus prohibita habet à Magistratu compulsus juraret, malè faceret, non quod juramentum in se sit malum, sed quia malo id ipsum præstitit modo scilicet contra conscientiam, quæ licet erret, quia tamen repugnat in re per se licitâ, non erat negligenda. Patet hinc etiam quid responderi debeat ad id, quando Quæritur: *Sit quis persuasus se esse baptizatum cum tamen baptizatus non sit, an debeat adhuc B. conferri?* Resp. Error ille vel est vincibilis, vel invincibilis, sin polterius pro baptizato est habendus, sin prius conferendus, ipsi est B. ne errore deposito conscientia

ipsi molestiam creet. vid. Bald. in casib. cons. l. 1. c. 7. p. m. 15. Nunc ad tertiam properamus.

§. 18. Probabilem quod concernit conscientiam, quæ etiam opinativa seu opinabilis dicitur à modo inferendi conclusionem nomen sortita videtur; *Est enim conscientia probabilis actus intellectus P. quo principia universalia P. applicantur ad singularis actus circumstantias per consequentiam probabilem.* Consequentia autem probabilis appellatur, cui fidem & assensum præbemus cum formidine oppositi. Unde aliàs describi solet, quod sit ea quæ iudicat aliquid esse faciendum vel omittendum ob rationem non quidem manifestam, attamen non contemnendam. Nota (1.) Quod intellectus semper in hac conscientia se ad alteram contradictionis partem determinet, per quod ipsum à dubiâ differt, quippe in quâ intellectus se ad neutram contradictionis partem determinat, sed inter utramque ambiguus hæret. (2.) Quod ratio illa ob quam intellectus se ad alteram contradictionis partem determinat non sit evidens & necessaria, sed solum probabilis, quo ipso probabilis hæc conscientia à rectâ differt, quippe quæ pro fundamento habet evidentem & necessariam rationem, probabilem vero conscientiam semper formido oppositi premit. Quod ad obligationem hujus conscientia attinet, dicitur plerumque obligare hanc conscientiam eodem prorsus modo, quo recta, ut qui cōtra eam agit, peccet, quia spernit rationem & peccandi periculo se exponit, qui verò secundum eam agit, non peccet, cum sequatur rationem saltem probabilem.

§. 19. Prius vero quam ab hac conscientia specie abeamus, quædam quæ ad hujus conscientia obligationem illustrandam non parum facere videntur ponimus cōclusiones. (1.) Quod quandoque liceat sequi viam tutiorem, licet ea probabilior non sit. Est autem via tutior, quæ cum vel planè nullo, vel cum tam gravi periculo peccandi conjuncta non est v.g. Si quis latronibus etiam mediante juramento promississet certam pecunie summam, atque probabilis concludat, ipsis nihil esse dandum, ne scil. vicia foveantur, æquè vero probabiliter concludat ipsis esse dandum, ne invocatio nominis divini in vanum assumatur, tunc sane tutius est dare quam non dare,

dare, quia dare cum tanto periculo peccandi conjunctum non est. vid. *Excell. Rudrauffius in inst. cit. q. 6. p. m. 116. B. Stenberus in consc. opinab. q. 1. p. 311.* (2.) Ille qui opinionem aliquam de re aliqua habet, vel est sui juris, vel non est, vel est literatus vel illiteratus &c. de quibus prolixius actum vid. apud *B. Bald. l. c. 9. p. m. 16. 17. Bec. som. 2. c. 4. q. 9. B. Horn. Phil. Mor. l. 3. c. 4. p. m. 327. B. Dilb. Dn. Scheurl. & plures alios.*

§. 20. Superfunt duæ conscientia vulgò sic dictæ species: *Scrupulosa & Dubia. Scrupulosa est quando intellectus P. In questione quadam uniquidem contradictionis parti adhaeret, scrupulo autem ab eodem terretur.* Dicitur vero scrupulus juxta *Amesium l. de consc. c. 6. p. 16.* formido animi circa sua, & praxin, quæ conscientiam impedit & vexat, instar lapilli exigui in calceo latitantis, qui pedem excruciat, & in incessu remoras efficit. *Nota.* Non omnis formido dicitur scrupulus, sed illa quæ ex levibus vel nullis argumentis oritur. Distinguere Autores plerunque hic solent inter scrupulum rationabilem & irrationabilem & dicere: Ut ut conscientia scrupulosa non obliget, tamen scrupulum rationabilem temerè negligendum non esse, sed remediis certis exuendum, h. m. (1.) Gratia Dei instanter imploranda, ut scrupulus iusto examine eximatur. (2.) Cogitationes de illis rebus, unde scrupulus est exortus sedulò vitandæ, phantasiam enim semel motam multi insequuntur motus, qui sine difficultate compesci non possunt. Sin autem scrupulus ille se non patiat amoveri, salvo aliorum judicio, consultius esse dicerem, agere contra istiusmodi scrupulum, v. g. sit quispiam cui suæ indignitatis consideratio adeò sit molesta, ut vix audeat ad mensam Domini accedere, quamvis fontiat in se veram fidem, & resipiscenciam, potest ille ac debet non obstante hoc scrupulo accedere ad cœnam Domini, habet enim firmiores rationes ab altera contradictionis parte, quam quæ levi hoc scrupulo possint repelli. Neque is potest dici agere contra conscientiam, sed secundum conscientiam, scrupulus enim est formido temeraria & sine fundamento, adeoque obligare non potest. Scrupulus autem si fuerit irrationabilis, omnino ejiciendus ex animo, & planè negligendus. Sic v. g. disputant Pontificii, quid faciendum cum mure, qui comederit speciem panis benedicti. Ubi sunt, qui murem comburendum, & cinerem ad alta-

re reponendum esse, dicunt. Alii quod mus sit exenterandus, sique corpus Dominicum in ventre ejus reperiatur à sacrificulo illud sit comedendum, si vero non inveniatur, Lajcris sit dicendum, per sudorem fuisse emissum. Sunt alii qui negant, & suadent ut sacerdos, nisi abhorreat, ob reverentiam corporis Domini murem totum devoret. En scrupulos Pontificiis dignos. *Peccatur hic agendo contra conscientiam, secundum scrupulum, non autem contra scrupulum, secundum conscientiam, verba sunt Excell. Dn. Hospitiu Rudrauffi l.c.*

§. 21. Ansam hic habere mus agere de *Suspitione & Conjectura*, quid illæ & quales sint, cum de his Moralistæ nihil agere soleant, quod tamen ne nimium excreseat disputatio in aliud tempus nobis reservabimus. *Dubiam* quod attinet *conscientiam* est illa quando intellectus neutri contradictionis parti assensum præbet, cū judicandum est, *An res sit licita, vel illicita*. Ex hac conscientia qui agit, peccat, quia manifesto peccandi periculo se exponit, & peccatum velle videtur. Dividitur à Becano & Scholasticis in Theoreticè dubiam, & dubiam Practicè. Dubia Theoreticè est, cum quis ante actum in universali dubitat, num aliquid licitum sit nec ne, v.g. num usuras accipere liceat. Practicè dubia est cum quis in ipso actu de particulari uno vel altero dubitat v.g. Sitne licitum accipere à debitore usuras, qui calamitatem passus est. Licet autem è dubitatione speculativa de re universali, plerumque nascatur dubium practicum, id tamen non est perpetuum, potest enim v.g. subditus theoreticè dubitare de bello: An sit justum? ut tamen practicè sit certus sibi licitum esse militare in hoc bello, potest enim sic ratiocinari: Certum est ad me non pertinere judicare de justitia belli; Certum est me debere obedire meo Principi, quamdiu non constat de injustitia belli. Certum est me posse servire in hoc bello.

§. 22. Quibus positis dicimus: Agere quem licitè posse contra conscientiam theoreticè dubiam v.g. possidet quis bonâ fide aliquem fundum & incipit dubitare an sit suus, nisi sciat esse alienum, jure ipsum retinere potest, quia cæteris paribus melior est conditio possidentis. Contra vero conscientiam P. absque peccato quicquam agere non licet, quia non potest facere ex fide, sciens & volens.

volens se peccandi periculo exponit, voluntati divinæ non satis obtemperat, & quæ sunt alia. Quomodo vero sese gerere debeat tali conscientia instructus paucis habet: Tutiorē partem, & quæ minori cum difficultate conjuncta est, eligat, si vero sibi ipsi hac in parte non sufficit, aliorum consilia audiat, Deum, ut ipse quod optimum est eligat, sermō oret. Ubi autem ex utraque parte bonum vel malum foret æquale, eligere & sequi debet illud, quod præviis precibus Deus cœlesti suo digito quasi monstraverit, seu quo Deus voluntatem hominis inclinaverit, verba sunt B. Bald. l.c. p. m. 16. Et hoc qui neglexerit, verificabitur in eo illud Apostoli *ὁ δὲ πρὸς ἀγνοίας, ἀγνοεῖται* qui ignorat, ignorabitur.

§. 23. Hactenus de conscientia antecedente, ageremus nunc paucis etiam de consequente, nisi pagellæ finem poscerent. Dividitur illa plerumque in Bonam vel Malam, quod tamen accuratè dictum non videtur, propriè enim loquendo, nulla neque bonitas neque malitia moralis conscientia inest, sed potius actionibus, quando enim intellectus suprà se reflexus actiones examinat, inde quatenus in illo examine eas vel bonas vel malas deprehendit, benè vel malè sibi conscire dicitur. Dividi etiam solet in Naturalem & Illuminatam. *Naturalis* ea dicitur, quæ ex principiis nobiscum natis procedit, de qua hactenus agimus. *Illuminata* ea dicitur, quæ fit Spiritus S. inspiratione v.g. conscientia hæc dicitur: Homini per infortunium aut paupertatem redacto esse subveniendum, quia ipse cum nobis est membrum corporis mystici nempe Christi; & vero convenit, ut unius corporis membra se invicem foveant, sibi que succurrant. Norma quænam sit ad quam intellectus actus suos tanquam ad lapidem Lydium probare debeat, Autores controversant. Sunt qui voluntatem Dei qualitercunque patefactā, Sunt qui rectam rationem, sunt qui legem divinam, & conscientia regulā venditant. Nos cuilibet liberum judicium relinquimus Et ob temporis & chartæ penuriam annectimus sequentes quæstiones.

§. 24. Q. I. *An reservationes Mentales obligent conscientiam?* Reservatio mentalis est nihil aliud quam ars mentiendi & decipiendi, à Jesuitis (pessimo illo hominum genere) si non inventa, & excogitata, saltem ex orco, quo ab Augustino erat relegata, reducta,


ducta, & specie vero admodum concolore circumfusa. Sunt autem ut ad rem deveniamus reservationes mentales cogitationes illæ quas qui jurare cogitur, in mente suâ format, & reservat, h. e. judici incompetenti non manifestat e. g. quando adultera occulta à marito cogeretur, ut sibi jure jurando affirmaret, se adulterium non commississe, inter jurandum vero tacitè illa cogitaret : commissi quidem adulterium, at non commissi, ut tibi illud statim manifestarem, esset reservatio mentalis, de qua quæritur : Num conscientiz obligationem tollere possit ? Quantum vero periculi stante hoc dogmate Esavítico & pietati in Deum & charitati erga proximum immincat pluribus ostenderem nisi chartam & tempus impio & detestando hoc dogmate perderem. Dabitur fortè de his alibi dicendi occasio.

Q. II. *An juramenta per vim extorta obligent conscientiam?* Status quæstionis hic est : Utrum juramentum quo quis coactè ad rem aliquam præstandam alicui v. g. latroni, interitum vitæ sibi minanti ad certam pecuniæ summam solvendam se obstrinxit, obliget conscientiam, ita ut qui juramentum præstitit, facere teneatur etiam id, ad quod juramento se adstrinxit, nisi agere velit contra conscientiam. Plurimi ex definitione juramenti, trito illo canone : Minus malum è duobus malis esse eligendum, ex Scriptura quæ severè perjurium prohibeat, illud affirmant ; E contra non pauci negant asserentes illa juramenta per vim extorta, esse contra honestatem publicam utilitatem &c. Ad argumenta vero pro affirmativâ sententiâ respondent distinguendo, inter juramenta legitima, legitimo modo & sine facta, & inter juramenta illegitima, de illis verum esse ea obligare conscientiam, de his non item. Nos equidem rem tam arduam moliri nolumus, acrius enim poscit judicium, cæteris tamen paribus juramenta illa per vim extorta conscientiam obligare dicimus. De Votis si quæzatur : Num & illa conscientiam obligent ? Breviter respondemus : Si fiant de re licitâ possibili, à persona quæ vovete potest, h. e. quæ sui juris, rationis, rationis & judicii particeps est, statuimus ea omnino obligare conscientiam, & suscepta absque conscientiz labe intermitteri non possunt. Colligitur E. Votum Jephtæ de mactandâ filiâ

filii, cum fuerit illicitum & illegitimum, optimo jure rescindi potuisse.

Quæst. III. *An res amissa salvâ conscientia per divinationem magicam inquiri possit?* Resp. N. Etenim ejusmodi divinatio non Naturalis sed planè diabolica. Non enim sunt facienda mala, opere Diaboli uti licet, ut inde eveniant bona, restitutio scil. bonorum.

Quæst. IV. *Utrumquis salvâ conscientia alienam religionem simulare possit?* Resp. N. Quisquis enim me negaverit vel simulaverit coram hominibus, negabo eum & ego coram Patre meo qui est in cœlis, severissimum est Christi effatum Matt. X. 33. Fufius hæc diducere animus erat, sed quia pagellæ præter spem excreverunt hic fessam nostram siltimus carinam & disputationem hanc nostram verbis Hugonis l. 2. de Anim. c. 9. obfignamus. *Bona conscientia, inquit ille, titulus est religionis, templum Salomonis, ager benedictionis, hortus deliciarum, aureum declinatorium, gaudium Angelorum, Arca fœderis, Thesaurus Regis, Aula Dei, Habitaculum Spiritus Sancti.* Qualem conscientiam quietam cumbat Deus O. M. cœlitus largiatur, cui sit Laus & Gloria in sempiterna secula.



COROLLARIA.

I.

Peccatum Originis non est substantia, uti erravit Flacius, sed potius Accidens.

II.

Datur ens rationis non tamen habet causam efficientem propriè dictam, nisi absque rigore philosophare quis velit. **AN DEUS** tale ens rationis facere possit, inter Scholasticos quæritur!

III.
Q. An Meritum Christi in V.T. fuerit Non Ens?

IV.
Resurrectionem mortuorum naturaliter impossibilem esse
firmiter contra recentiores quosdam chimicos statuimus.

V.
Rationem status filiam optimam ex matre pessimâ malis
scil. hominum moribus ortam esse, probabilis ratio suadere vide-
tur, cum enim post lapsum ea in plerorumque pectoribus ledeat
perversitas, ut privatim beati esse malint, quam publicè, atque hoc
modo per quæcunq; media fieri tales desiderant, hinc Rerum publi-
carum administratores ceperunt certa eaq; arcana pro defendendo
suo commodo excogitare, atq; adeo constituere id, quod nobis Ra-
tio status audit.

VI.
Nihil impedit, quo minus una propositio ex diversis causa-
rum generibus possit tractari.

VII.
Orator qui in oratione non adhibet effectus, ~~merito~~ meri-
tò mutus Orator audit.

VIII.
Historia sine Geographia & Chronologia nulla est.

IX.
Distinctius vocalis Græca η legitur per α quam per ι . sic
rectius dicitur $\beta\eta\tau\alpha$ quam vita. Quæ vero pronuntiatio antiquior
sit, disputari potest.

X.
Qui omnem numerationem decem absolvi posse digitis di-
cunt, non adeo absurdi sunt.

XI.
Ventus licet sit impetuosissimus, non potest tamen Geodætz
lineas per aërem ductas movere.

XII.
Luna semper est plena, nisi patiatur Ecclypsin.

XIII.
Tanta navis totius est gravitas, quam gravis est aqua, quam
navis immersione sui excludit.

F I N I S.

